

Quickscan di CFT ta haya resistencia for di gobierno

ORANJESTAD — Despues di hopi especulacion y suspensio, gobernador Fredis Refunjol no a firma presupuesto 2014. En bes di esaki el a publica awe resultado di e quickscan haci dor di secretariado di College Financieel Toezicht (CFT).

Raportahe aki a wordo manda pa gobiernonan di Aruba, Hulanda y a wordo haci disponibel na publico via prensa local. E quickscan ta basa su mes pa gran parti riba e consejo cu Raad van Advies a duna unbes cu nan a haya presupuesto di 2014 poco luna pasa. CFT ta haya cu e maneho di gobierno pa stimula economia hisando debe nacional te na 75 por ciento di GDP a yega na su limite. Den su rapport CFT ta muestra entre otro riba hecho cu fondonan social ta bashi y no tin reserva, y cu capital di companianan di gobierno ta bou presion. Riba dje seguro medico ta muestra di ta birando impagabel.

Plasterk

Den un carta na Tweede Kamer, minister Plasterk di Relacionnan di Reino ta sigui elabora riba ponencianan di CFT. E mandatario Hulandes ta indica cu 'e problematica presupuestal di Aruba ta grandi.' "Pa por yega bek na normanan aceptabel, mester bin un pakete di medida contundente na corto plaso cu ta pone deficit y debe bek ariba nivelnan sostenibel. "Ademas segun Plasterk, e presupuesto no ta completa y na cierto parti no valido mas. Pa loke ta partinan di cierto medidanan por bisa caba cu nan no por wordo realisa mas pa via di falta di capacidad legislativo y e momento den aña den cual nos ta awo, segun Plasterk. Presupuesto no ta completo pasobra pa solamente un parti e ta cuadra cu realidad. Maneho financiero no ta na ordo, asina Plasterk ta bisa di e rapport. "Ta dificil pa haya bista riba gastonan y entrada real di gobierno y cuentan anual no por wordo controla." Finalmente no ta existi bon planeacion multi anual, no pa loke ta presupuestonan y tampoco pa loke ta desaroyonan cu lo por tin influencia directo riba presupuesto. Plasterk ta bisa cu quickscan ta contene recomendacionnan cu tin como meta pa evita cu e problematica existente bira pio, por ehempel e implementacion estricto di vacature- y perso-



neelsstop, control previo di minister di Financia, un paro riba mas compromisonan y introduccion y implementacion di mas legislacion.

'Gobierno ta cumpliendo caba'

Net pa loke ta e puntonan aki, minister demisionario Juan David Yrausquin a declara ayer tardi durante un conferencia di prensa cu gobierno ya caba ta implementando nan pa basta tempo caba. Durante conferencia di prensa aki, na unda un biaha mas Yrausquin mester a enfrenta pensa su so y mester bisa cu el a haci esaki cu un tono basta fuerte y defensivo, e mandatario demisionario a menciona cu desde 10 di april 2014, el a manda un carta pa tur minister di gabinete pa cumpli cu vacaturestop y reduci personal considerablemente den pais Aruba. Pues un recomendacion cu ta wordo ehecuta caba. A wordo sugeri un paro na obligacionnan di Gobierno. Riba esaki e mandatario ta bisa cu desde prome di januari 2014, a implementa caba un control general riba tur obligacion cu ta wordo haci den nomber di Gobierno, pa cual mester aprobacion di Minister di Financia y na april ultimo adicionalmente a pone cu su persona lo mester evalua personalmente cada compromiso cu Gobierno kier yega na dje. Gobierno a traha un carta den cual segun Yrausquin ta contrasta tur punto di rapport di CFT. A manda carta aki pa gobernador y pa gobierno di Hulanda. Yrausquin tambe a confirma cu gobierno a prohibi pa ambtenaarnan coopera cu CFT. Prohibicion aki ta vigente ainda.

Legislacion

Tambe ta menciona pa traha mas lihe posibel riba legislacion pa realisa presupuesto 2014 y e reformanan mencionan den e rapport. "Nos ta completamente dedica na esaki," e mandatario a sigura. E legislacionnan necesario pa concretisa e reforma di APFA, ta den man di un ekipo di expertonan pa finalisa esaki mas

berdad mester cumpli cu e norma di deficit di 3 por ciento, cual Hulanda mes tin cu tene na dje segun Union Europeo. Ademas CFT ta recomendar pa gobierno di Aruba enfoca nan energia y recursionan limita den keda cla cu presupuesto 2015, idea cual Yrausquin ta sostene completamente. Es mas, segun e mandatario demisionario e mes a sugeri esaki den su car-

ing nobo cu Fitch ta trahando riba dje pa Aruba. "Nos ta reuniendo extensamente cu nan", asina Yrausquin ta bisa. Mientras tanto, Gobernador a keda sin firma presupuesto. Segun Yrausquin, mirando cu awo tin un 'tussenrapport' den forma di un quickscan riba mesa manera tabata palabla, gobernador Refunjol no tin motibo mas pa keda sin firma. Hecho ta cu KB cu Rijksministerraad a pone riba gobernador por keda conta te entrega di rapport definitivo. Esaki lo mester keda cla den siman di 25 di augustus.

Fraccionnan

A puntra reaccion di parlamentarionan. Rene Herdê, lider di fraccion di AVP ta uni su mes na ponencia di minister Yrausquin cu gobernador Refunjol awo tin cu firma presupuesto 2014 y cu awo tin cu concentra riba presupuesto di 2015. Pa loke ta oposicion, lider di MEP Evelyn Wever-Croes ta haya cu pueblo a haya confirmacion cu e presupuesto no tabata bon. "E no ta completo, e no ta realistico. Y mi ta lamenta masha hopi mes cu nos ta den e impasse aki, pasobra ta AVP



lihe, esta e palabracion cu a wordo haci cu sindicatonan. Y e aumento di prima di BBO, pa e bay den e sistema di AZV. Lo percura pa esaki wordo ehecuta. "Loke e rapport di Cft ta menciona ta puntonan cu nos a compromete nos mes na nan y ta trahando riba nan."

3 por ciento

Yrausquin a reitera tambe cu propio CFT ta cuestionando den nan rapport si Aruba

ta na minister Plasterk di dia 15 di mei. A puntra minister Yrausquin si e presupuesto di 2015 lo keda cla pa prome siman di september. Su respuesta ta cu el a duna tur departamento concerni e obhectivo pa haci tur cos posibel pa keda cla na ora. Sinembargo e situacion di ultimo siman lo por causa cu e obhectivo aki lo no wordo alcansa. Sucididonan di ultimo siman aki tambe lo por tin consecuencia pa loke ta rat-

mes a hinca nos aden, nan no a haci suficiente pa soluciona e problema y nan no a haci caso di tur e solucionnan cu varios instancia y nos tambe a haci. "Laga esaki ta un les pa nan tuma e situacion financiero di Aruba na serio." Andin Bikker, lider di PDR a abstene su mes di duna reaccion ya cu e tabata analisando e rapport ainda y kier duna su punto di bista ampliamente durante su conferencia di prensa di awemainta. □